



**JAVNA USTANOVA
ZAVOD ZA ZDRAVSTVENU ZAŠTITU
ŽENA I MATERINSTVA
KANTONA SARAJEVO**

**INSTITUTION FOR HEALTH
PROTECTION OF WOMEN
AND MOTHERHOOD
CANTON SARAJEVO**

Broj: 10 - 707 -01 /15
Sarajevo, 15.06.2015.godine

Na osnovu člana 30. i 39. Statuta JU Zavod za zdravstvenu zaštitu žena i materinstva Kantona Sarajevo, na osnovu člana 101. Zakona o javnim nabavkama Bosne i Hercegovine („Službeni glasnik BiH“ br.39/14), a u skladu sa članom 100. stav 3 Zakona o javnim nabavkama BiH, rješavajući po žalbi privrednog subjekta Sanam Stryka d.o.o. , Preduzeće za proizvodnju, trgovinu, inženjering i konsalting, Sarajevo, koju zastupa mr. Havica Hećo, Direktor JU Zavod za zdravstvenu zaštitu žena i materinstva Kantona Sarajevo, donosi sljedeće

RJEŠENJE

I

Žalba privrednog subjekta Sanam Stryka d.o.o. , Preduzeće za proizvodnju, trgovinu, inženjering i konsalting, Sarajevo, na Tendersku dokumentaciju – nabavka potrošnog medicinskog materijala za potrebe Zavoda broj OP 10-01/15, LOT 2 - nabavka i sukcesivna isporuka potrošnog sanitetskog materijala za potrebe Zavoda, **usvaja se u cjelosti.**

II

Vrši se ispravka tačke 6.2. tenderske dokumentacije u Otvorenom postupku javne nabavke broj OP 10-01/15, u dijelu LOT 2 - medicinski potrošni sanitetski materijal, te će se predmet nabavke razvrstati na lotove prema srodnim cjelinama, te se vrši izmjena Obrasca za dostavljanje ponuda (Aneks 2) i Obrasca za cijenu ponuda (Aneks 3).

III

Vrši se ispravka tačke 8. 2 i 9.2. tenderske dokumentacije u Otvorenom postupku javne nabavke broj OP 10-01/15, te se se kao rok za dostavu ponuda utvrđuje dan 30.06.2015.godine do 12,00 h, a datum otvaranja 30.06.2015.godine u 13,00 h.

IV

U preostalom dijelu Tenderska dokumentacija za Otvoreni postupak broj OP 10-01/15 ostaje ne izmijenjena.

V

Ovo Rješenje će se objaviti na Web portalu Zavoda.

OBRAZLOŽENJE

JU Zavod za zdravstvenu zaštitu žena i materinstva Kantona Sarajevo je na Portalu javnih nabavki dana 01.06.2015.godine, te Sažetak obavještenjem u Službenm glasniku broj 45/15 od 08.06.2015.godine, objavio otvoreni postupak jave nabavke roba (potrošni medicinski materijal) OP 10-01/15.

Dana 12.06.2015.godine, pod brojem 10-696-05/15 zaprimljena je Žalba privrednog subjekta Sanam Stryka d.o.o. , Preduzeće za proizvodnju, trgovinu, inženjering i konsalting, Sarajevo, na Tendersku

dokumentaciju – nabavka potrošnog medicinskog materijala za potrebe Zavoda broj OP 10-01/15, LOT 2 - nabavka i sukcesivna isporuka potrošnog sanitetskog materijala za potrebe Zavoda.


U žalbi je predloženo da JU Zavod za zdravstvenu zaštitu žena i materinstva Kantona Sarajevo obustavi predmetni postupak i donese odluku kojom će izmijeniti tendersku dokumentaciju OP 10-01/15, tačnije Obrazac za cijenu ponude (Aneks 3) za LOT 2 na način da se isti uskladi sa Zakonom o javnim nabavkama („Službeni glasnik BiH“, br 39/14), odnosno da se Obrazac za cijenu ponude (Aneks 3) za LOT 2 podijeli na lotove, prema srodnosti i istoj kategoriji iz Jedinstvenog riječnika nabavke, a vodeći računa i o primjeni Pravilnika o medicinskim pomagala, čime bi ugovorni organ omogućio aktivnu i pravičnu konkurenciju se sprovodeći diskriminaciju ostalih ponuđača. Nadalje je u žalbi navedeno da su unutar Obrasca za cijenu ponude OP 10-01/15 (Aneks 3) za LOT 2 a koji nosi naziv Sanitetski materijal, svrstane različite kategorije medicinskih pomagala: medicinska sredstva za jednokratnu upotrebu (hirurske rukavice), medicinska sredstva za jednoratnu upotrebu Klasa Ia (igle injekcione, sprice itd...) medicinska sredstva za jednokratnu upotrebu Klase I (vata, flasteri, zavoji, gaza itd...), bolničko-aparaturna oprema oprema (papir za CTG), ostala medicinska sredstva Klase I (gel za ultrazvuk), dijagnostička i terapijska medicinska sredstva u radiologiji Klasa IIa (film za ultrazvuk UZ) i sl... kao i dezinfekciona sredstva (stavke redni broj 2., 3. i 4.) odnosno svrstani su proizvodi različite srodnosti u različite kategorije iz Jedinstvenog riječnika javne nabavke.

Razmatrajući Žalbu ugovorni organ je utvrdio da je ista blagovremena, dopuštena i izjavljena od ovlaštenog lica. Nadalje ugovorni organ je uvažavajući žalbu privrednog subjekta Sanam Stryka doo, predmetnu nabavku LOT 2 - sanitetski potrošni materijal podijelio na više lotova prema srodnim cjelinama, te izvršio izmjenu Obrasca za dostavljanje ponuda (Aneks 2) i Obrasca za cijenu ponuda (Aneks 3).

Imajući u vidu navedeno, a u skladu sa članom 100. stav 3 Zakona o javnim nabavkama BiH odlučeno je kao u dispozitivu.

Pouka o pravnom lijeku:

Protiv ovog rješenje dozvoljena je žalba u skladu sa članom 100. stav 4. Zakona o javnim nabavkama BiH.


DIREKTOR
Prim. mr. sc. dr. Mithat Kurtović

Prilog:

- Obrazac za dostavu ponude OP 10-01/15 – (Aneks 2) – izmijenjeni
- Obrazac za cijenu ponude OP 10-01/15 (Aneks 3) LOT – 2., 3., 4., 5., 6., 7., 8. i 9. – izmijenjeni

Dostaviti:

- Sanam Stryka doo (faks i pošta)
- Semikem doo (faks i pošta)
- Ena doo (faks i pošta)
- Medichem doo (faks i pošta)
- Komisija za javne nabavke
- a/a